

444

444

E 4

E

4




















Kw 444.64.45.

DISPUTATIO JURIDICA  
INAUGURALIS  
DE  
SPONSIONIBUS,

QVAM,  
PRÆSIDE DEO OPT. MAX,

*Ex auctoritate Magnifici Rectoris,*

D. LUCÆ SCHACHT,

Philos. & Medic. Doct. hujusque in Acade-  
mia Lugd.-Batavâ Professoris celeberrimi.

NEC NON

*Amplissimi Senatus Academici Consensu, & Nobilissima  
Facultatis Juridica Decreto,*

PRO GRADU DOCTORATUS,

Summisque in UTROQUE JURE Honoribus & Privilegiis  
ritè & legitimè consequendis,

*Publico examini subjicit*

HENRICUS MOLL, DORDRACO - BATAV.

*A. D. 16 Martii, horâ ac loco solitis.*



LUGDUNI BATAVORUM,  
Apud ABRAHAMUM ELZEVIER,  
Academiae Typograph. MDCCLXXXIV.



*Venerabili & integerrimo Viro,*  
**FRANCISCO CORNELII MOLL,**  
templi apud Dordracenos primarii, Custodi  
vigilantissimo, fidelissimo, avo optimo prop-  
ter innumera in se Collata beneficia, omni  
obstantiæ cultu, & filiali amore in æter-  
num prosequendo.

NEC NON

*Clarissimis & Celeberrimis Viris*  
**D. ANTONIO MATTHÆO, J. U. D.**  
ejusdemque in Academia Lugduno-Batava  
Professori primario, Promotori suo dignissi-  
mo, semper colendo.

**D. JOHANNI VOET, J. U. D.**  
ejusdemque facultatis in eadem illustri Aca-  
demia, antecessori ordinario, subtilissimo,  
consultissimo, in studiis Juridicis adjutori  
suo meritissimo, nunquam non omni ho-  
nore afficiendo,

Hasce theses inaugurales debita  
cum reverentia,

*D. D. consecratque*

**HENRICUS MOLL,**

*Auctor.*





DISPUTATIO JURIDICA

INAUGURALIS

DE

SPONSIONIBUS.

PROOEMIUM.

**S**i verum sit, quod proœmia aliquan-  
do nos lubentius, ad propositæ ma-  
teriæ lectionem alliciant, majorem-  
que intellectum præstent; non fru-  
stra hoc proœmio præmisso, possem  
dicere, me materias juridicas (qua-  
rum unam ex recepto in Academia More, pro Gra-

A 2

du



du Doctoratus Disputaturus, eligere necesse habui,) incerta mente diu spectasse, partim, quia Commo-  
dissimam mihi ex toto juris oceano excerpere non po-  
teram; partim, quia pauca, imo fere nulla su-  
persunt, quae jam dudum disputationi publicae,  
non fuerint submissae, adeo, ut illud Terentianum  
quidem verum sit. Quod nulum est jam dictum,  
quod non dictum sit prius. Attamen quia pro lau-  
rea doctorali in utroque jure consequenda, aliqua  
mihi eligenda esset defendenda juris Materia, pre-  
ceteris mihi arrisit haec de Sponsionibus, earumque  
effectibus, quas pro inaugurali hac disputatione  
breviter explicare proposui. Queritis forsitan cur hanc  
inter infinitas alias in me susceperim materiam per-  
tractandam, de Sponsionibus, causam dicam &  
libere. Vidi passim Sponsiones. nullo facto dis-  
crimine, inter honestas & inhonestas explodi, & ve-  
lut injustas damnari, quod quoniam aliquomodo ini-  
quum videbatur; D. D. Affirmantium, Sponsio-  
nes honestas posse celebrari, Sententias secutus,  
breviter atque succincte conabor defendere, Spon-  
siones honestas nec juri divino, naturali, nec Ci-  
vili repugnare; Adeoque eas impune procedere, rem-  
itaque ipsam aggrediar.

THE





ponfiones quam quotidianæ frequentesque  
 lint, nemo est qui ignorat. Verum an-  
 tequam ad pertractandam ipsam materiam  
 progrediar, non abs re fore judicavi pri-  
 mo in vim ac potestatem verbi inquire-  
 re. Est igitur sponsio mutua stipulatio conditiona-  
 lis de re, cujus dubius est eventus; quamquam à DD.  
 aliquando conventionis seu promissionis, aliquando  
 conditionis nomine notetur. Quod etiam satis clare  
 innuit locus ille Cicer. in Oratione pro Cæcina. Ca-  
 cina enim de fundo vi armata dejectus fuit ab Eubu-  
 tio, P. Dolabella prætor interdixit, ut est consuetudo,  
 de vi, hostibus armatis, sine ulla exceptione tantum,  
 ut, unde deiecisset, restitueret; cæcina autem se pla-  
 ne restitutum esse negabat: facta est sponsio, ni cæcina re-  
 stitutus Edicto prætoris esset. exstat & alter locus apud  
 eundem, lib. 7. Epist. ad Trebat. Jurisconsultum &  
 Plin. lib. 9. cap. 35. de sponsione Antonii & Cleopatra.  
 Sed ne mihi Jurisconsultorum auctoritates deesse vi-  
 deantur, sciendum est L. Titia, publicia & Cornelia  
 sponsiones facere licuisse; refero propterea Pauli Juriscon-  
 sulti verba in l. solent. 2. §. 1. & Marciani, in l. in quibus  
 3. ff. de aleat. Senatusconsultum vetuit in pecuniam lu-  
 dere, præterquam si quis certet hasta vel pilo jaciendo, vel  
 currendo, saliendo, luctando, pugnando, quod virtutis  
 causa fiat. Sequitur Marcianus, in quibus rebus ex L.  
 Titia, publicia & Cornelia etiam sponsionem facere licet.  
 Sed ex aliis ubi pro virtute certamen non fit, non licet.  
 Extat & pulcherrimus locus in l. 17. §. fin. ff. de  
 præscript. verb. sponsio etiam appellatur, quæ per sponsi



interrogationem fit, & omnis stipulatio promissioque.  
*Argum. l. 7. ff. de verb. significat.* sumitur & alio modo, pro eo, ubi hi qui à potestate summa Mandatum ejus rei non habent, aliquid promittunt quod illam proprie tangit, ad differentiam fœderis quod fit jussu summæ potestatis, & in quo ipse populus iræ divinæ obstringitur, si minime steretur dictis. Grotius *lib. 2. cap. 15. §. 3. de I. B. ac P.* ubi citat Livium *lib. 9.*

## II.

Erant etiam judices sponsionum, qui recuperatores appellabantur, ut ex *Cicer. in d. Orat. pro Cæcina* apparet, dum inquit; *Maxime fuit optandum Cæcinæ, recuperatores, ut controversia nihil haberet.* Dicti forsan ex eo quod per eos suum quisque jus recuperaret. Dabantur à Prætore, ut videre est ex Edicto ejus, apud Val. prob. in *lib. de Not. Antiquit.* cujus hæc sunt verba; *quanti ea res erit, tanta pecuniæ judicium recuperatorium dabo, testibusque duntaxat decem denunciandi potestatem faciam.* Unde *Plautus, Bacchid.* postquam quidem Prætor recuperatores dedit, *damnatuſ demum vi coactus reddidit ducentos & mille Philippum*; hos *Cicero* plerumque cum iudicibus conjungit. Inquiens in *d. Orat. si quis judex recuperatorve dicat.* Quamquam & illi, coram quibus minor viginti annis manumittens, justam manumissionis causam tenebatur approbare, recuperatorum Nomine etiam veniant. teste *Ulpiano Tit. 1. de LL. Morib. & libert. §. 13.*  
unde



unde & recuperatorium iudicium ; Plinius *Lib. 3. Epist. penult.* Suetonius in *Vespasian. cap. 3.* solebant enim spondentes res quasdam apud recuperatores deponere , quas , commissa sponcione recuperatores victori adjudicabant.

## III.

Sponsionum autem ex his quæ frequentantur tria sunt genera. Alterum quod depositis pignoribus fit penes tertium , de quo in *l. si gratuitum 17. §. ult. ff. de præscr. verb.* de quo sponsionis genere etiam Poëta in bucolicis sensit , dum ait ;

*Depono, tu dic, Mecum quo pignore certes.*

Alterum sponsionis genus interposita stipulatione , cum quis certam pecuniam promittebat , ni ita esset ut puta , Titius Stipulatus est à Seio , si qua mihi nupserit decem dotis Nomine dare spondes , restipulatur Sejus à Titio , si non nupserit decem dotis nomine dare spondes ? *Argum. l. à Titio 108. ff. de verb. oblig.* Item aliud , si rex Parthorum vivit , centum millia dare spondes ? De quo in *l. cum ad præsens. 37. ff. de reb. cred.* egregium etiam de hoc sponsionis genere exemplum reperitur Apud *Val. Max. lib. 2. cap. 8.* de contentione super jure triumphandi , inter C. Lutatium Cos. & Q. Valerium prætorem de deletione Pæorum classis circa Cici-liam Tertium vero sponsionis genus est , cum al-  
ter ex contrahentibus alteri , finge , decem tradit , in-  
ter-



terposita Stipulatione vel pacto nudo, ni ita erit;  
duo tanta restituat, vel si inæquali Conditione fiat,  
tria, quatuor, aut sexcenta tanta reddat.

#### I V.

Nunc videndum quinam possint spondere & an  
sponsiones in omni causa facere liceat. Quoad pri-  
mum statuendum est, spondere posse omnes qui  
stipulari ac pacisci queunt; Non tamen impuberes  
sine tutoris Auctoritate, *pr. Inst. de auct. tutor. §. 9. 10. Inst. de inut. Stipul. ut nec prodigi l. 6. ff. de verb. oblig. cum effectu. non muti, surdi, nisi perservum. l. 1. ff. eodem.* quoad secundum, vide-  
tur prima fronte tradita regula per Jurisconsultos in  
*l. 2. & 3. ff. de aleat. Vbi pro virtute certamen non fit, sponsiones fieri non licere. Si quis igitur ha- sta certet vel pilo jaciendo vel currendo, vel saliendo luctando vel pugnando, virtutis causa jure facit, & in pecuniam ludere his rebus potest, & sponsiones etiam facere; sed ex aliis, ubi pro virtute certamen non fit, non licet.* Affirmandum tamen est cum Jurisconsul-  
to in *l. 17. §. fin. ff. de præscript. verb. l. 57. l. 63. & d. l. 108. ff. de verb. obligat. nec non Argum. l. 5. ff. de Naut. fœnore. in honesta causa sponsiones fie- ri licere, minime vero in inhonesta. Nec obstat l. 13. quibus rebus, supra citata ff. de Aleat. quæ omnes sponsiones hodie usitatas inturbare vide- tur, cum illa tantum loquatur de sponsionibus quæ sunt, in lufibus & exercitiis illicitis.*

V. Quo



Quo etiam facit ratio naturæ, permittentis licitam honestamque animi oblectationem, concedentisque cuilibet rem suam, sub quacunque conditione etiam casuali alienare, ac quod forti omni jure locus sit, nec quicquam vetet spem pretio emi. *Argum. l. 8. §. 1. ff. de contrah. empt. eadem ratione etiam urna fortunæ pro licita habetur. Secundum l. 12. ff. de Act. empt. & vend.* Accedit his sapientum consensus. Nam quomodo dicitur à Jurisconsultis *nihil esse tam conveniens naturali aequitati, quam voluntatem domini volentis rem suam in alium transferri, ratam haberi. §. 40. Instit. de rer. divis.* eodem modo dicitur *nihil esse tam congruum fidei humane, quam ea, quæ inter eos placuerunt, servare. l. 1. ff. de pactis.* Grotius *de Jur. Bell. ac Pac. lib. 2. cap. 13. §. 1.* denique & jure divino, Sponsiones super subjecto honesto interpositæ non improbatæ inveniuntur. *Judicium cap. 14. versu 17.* ubi legimus sponsionem celebratam esse inter Schimschoem & ejus Sodales super Solutione anigmatis intra septem dies explicandæ.

Sed antequam ulterius progrediar, examinandum est quid sit honesta causa seu conditio, quæ in sponsione deducitur, & generaliter dicendum est,

B

omnes



omnes turpes stipulationes nullius esse momenti. *argum. l. 26. 27. in princ. & l. 129. ff. de verb. oblig. junct. l. 7. §. 16. ff. de pactis.* Nunc non alienum à proposito erit, ad maiorem materiæ dilucidationem aliqua exempla referre.

**V I I.** Ludunt Sempronius & Mævius alea, deponunt pignora quod alter altero maiorem punctorum numerum jacturus sit, vel quod denarium numerum egrediatur vel non egrediatur. Stipulatur Sempronius in summa, finge quatuor Aureorum, in eadem summa restipulatur Mævius. An rata sit sponsio quæritur? Respondendum hanc stipulationem non valere. *Argum. l. 17. §. 3. in fine. ff. de prescript. verb. l. 2. & 3. ff. de Aleat. & l. fin. in princ. C. de Aleat. & aleat. lusu,* cum sit inhonesta causa, ut ex *d. l.* nec non ex testimonio Horatii *lib. 3. Carmin. Ode 24.* his verbis,

*Sen Mavis vetita legibus alea,*

apparet, quæ stipulationem ipso jure nullam reddit *§. 24. Instit. de inut. stipulat.*

**VIII. Fin.**



Finge quod ludentibus Sempronio & Mævio, Antonius & Johannes, qui ludum inspiciebant, ad sponsonem venerint, depositis pignoribus, vel interposita stipulatione, alter quod Sempronius, alter quod Mævius vinceret. Idem credo respondendum, quod sponsio nulla sit. ut *in d. §. si quis sponsionis fin. l. 17. ff. de præscript. verb. apparet.* idque probari videtur *ex d. l. 3. ff. de aleat.* Quæ generaliter loquitur, unde generaliter est intelligenda. *argum. l. de pretio. 8. ff. de publ. in rem act. l. 1. §. 1. ff. de leg. præst.* suadetur etiam ex eo, quod inspicientes ludum, tanquam ludentes puniantur. *Auth. interdic. C. de Epis. & Cleric.* Unde etiam credo repeti posse quod solutum sit, ex causa dictæ sponsionis, tum propter comparisonem proxime relatam, tum etiam propter *l. fin. ff. de aleat. & d. §. si quis sponsionis.* Idque etiam probatur, in constitutione prædicta alearum, dum prohibens Imperator, & ludere & inspicere, subdit, si contra factum fuerit, nulla sequatur condemnatio, sed solutum reddatur & actionibus competentibus repetatur.

IX.

Subjicio etiam hic quotidianum illud & frequens exemplum, nonnulli lufores posteaquam fere totam substantiam ludis prohibitis amisere, poenitentia du-



Et, recipiunt viginti ab aliquo, & promittunt  
quingenta si in posterum luserint; queritur an  
huiusmodi conventio valeat? respondeo quod sic,  
motus *argum.* l. 121. §. 1. ff. de verb. obligat. cum  
hæc stipulatio ex bonis moribus concepta fuerit. &  
§. 7. l. 7. ff. de pactis. & l. 6. C. eodem.

X.

Uterius Titius sciens navim Sempronii appulsi-  
se, dissimulato eo, Gajum eius rei penitus ignarum,  
super Navi Sempronii appulsura sponsione provo-  
cat, inæquali Conditione forsan, ut ipsum allice-  
ret; facta est sponsio; vicit Titius, cuius erat cer-  
ta victoria; dicendum quod in hoc Gajus circum-  
scriptus est, ut sponsionem faceret, & propterea  
ex quo stipulatio intervenerat, juris subtilitate ob-  
strictum, doli tamen exceptione uti posse, *arg. l.*  
*36. ff. de verb. obligat. & l. 5. C. de mut. stipulat.* nec  
non hoc, ne ullis malitia sua sit lucrosa. ut ait Juris-  
consultus in l. 1. in princ. ff. de dolo.

XI.

Queritur facta est sponsio inter Sempronium &  
Mævium, in luctando, currendo, saliendo vel ha-  
stam jaciendo, aut alio simili modo; Sempronius  
recusat ad certamen venire, an agere possit Mævius tan-  
quam



quam vicerit? statuendum quod sic. *argum. l. 85. §. fin. ff. de verb. obligat. & l. 12. ff. de Act. empt. & vend. l. 24. ff. de cond. & demonstrat. l. 39. ff. de R. I.*

## X I I.

Nunc videamus quid dicendum de illa sponsione quod cras erit pluvia, vel non erit, item de illa, quod Imperator, ante Kalendas Majas in Italiam veniet, vel non veniet. de qua *in l. 10. ff. de verb. obligat.* Item quod Titius erit Senator Romanorum, vel non. *l. 57. & l. 63. ff. eodem.* cum enim hujusmodi stipulationes non sint turpes, & inhonestam causam non contineant, nihil causæ est quare non admittantur, idque *argum. l. 7. §. 7. ff. de pactis. & l. 11. in fine, juncta l. seqq. ff. de act. empt. & vend.*

## X I I I.

Quæro? sunt qui crapula vel ebrietate delectantur, veniunt propterea ad sponsonem, quod alter alterum in bibendo vel edendo superabit, an rata sit sponsio? prima fronte, non improbandam sponsonem videbatur, propter *l. 4. in princ. ff. de aleat.* quod tamen verum esse nego; quoniam in sponsonibus illud præcipuum est, ut causa in sponsonem deducta inspiciatur, an sit honesta nec ne. *l. 17. §. fin. ff. de præscript. verb.* quod autem conditio de qua agi-

B 3

tur



tur sit inhonesta, nullus est qui neget; & probatur  
in c. crapula. X. de vita & honest. Cleric. his verbis,  
Vnde vinum sibi temperent & se vino, nec ad bibendum  
quispiam incitetur. Cum ebrietas & mentis inducat exi-  
lium, & libidinis provocet incentivum. Vnde illum abu-  
sum penitus decernimus abolendum, quo in quibusdam  
partibus ad potus aequales suo modo obligant potatores: &  
ille iudicium talium plus laudatur, qui plures inebriat &  
calices fecundiores exhaurit.

X I V.

Licet sponsionum præstationes veniant ex natura  
immutabilis iustitiæ, quæ Deo & omnibus his qui  
ratione utuntur, suo modo Communis est. Gro-  
tius de Iure Belli ac Pacis lib. 2. cap. II §. 4. inveniun-  
tur tamen plurimi, qui neglectis iustitiæ præce-  
ptis, ad sponsionum præstationem actionibus com-  
petentibus compelli malunt, quam quidquid spon-  
dendo amiserunt sua sponte ac non coacti persolve-  
re. Reliquum est ergo declarare, qua actione ex  
sponsione agendum sit. Actione ex sponsione agen-  
dum esse indicat Cicer. locus, in Orat, pro P.  
Quintio, quam Orationem habuit apud Cajum A-  
quilium nobilem Jurisconsultum & sponsionis Judi-  
cem. Sponsionem, inquit, Quintius facere maluit fe-  
cit te Iudicem C. Aquili, sumpsit ex sponso egit, in hoc  
summa iudicii, causaque consistit.

Bre-



Breviter tamen distinguendum puto inter spon-  
sionum genera superius relat.

In primo sponsionis genere, si pignora fuerint de-  
posita, penes tertium partibus presentibus, dire-  
cta praescriptis verbis, contra tertium, actio com-  
petit. Si vero partibus absentibus pignora fuerint  
deposita, utilis actio, praescriptis verbis, locum  
habet. depositum enim fuit pignus per dominum ea  
lege, ut si vincerem mihi daretur. *Argum. l. si cum  
venderet. 13. ff. de pign. act. juncta l. 26. ff. depos. in pr.*  
in secundo vero genere, clarissimi juris est, ex sti-  
pulatione duas proficisci actiones, tam condictio-  
nem certi, si certa sit stipulatio, quam ex stipula-  
tu, si incerta, ut dicit Imperator *princ. Inst. de verb.  
oblig.* in tertio vero sponsionis genere, & ubi pacto  
nudo fit sponsio, statuendum est ut in *l. 6. C. de trans-  
act. & l. 5. §. 1. ff. de praescr. verb.*

F I N I S.



*Ornatissimo, Doctissimo*  
Juveni, Viro  
J. U. CANDIDATO  
D. HENRICO MOLL,  
*Cum pro gradu Doctoratus*  
DE SPONSIONIBUS  
cum Laude disputaret.

**N**ec qui divitias multo sudore paratas  
Possidet, aut habitat prætiosa palatia Regum:  
Aut Martis turbam fulgentiaque arma secutus  
Innumeros hostes diro mucrone resolvit,  
Atque catervatim cæsos ad Tartara misit,  
Ille beatus erit: sed qui sine fine modoque  
Nititur excelsum, Themidis, conscendere culmen  
Cui bene sunt gemini perspecta volumina juris:  
Hic est, qui Felix, & ab omni parte beatus  
Dicitur; & socius Musarum, Laudis amicus  
Cælicolas posthac divos numerabitur inter  
Hos, MOLL, si sequeris, sociorum prime meorum  
En! Facilem Pallas cursum concedit & auram.

In perpetuum perpetuæ  
Amicitæ.

*Signum scripsit*

S. G. V. G. H. G. S. L. St.











